

UGOVOR
Br.0602-4249-6/18
o nabavci usluga tehničkog pregleda i registracije vozila

UGOVORNE STRANE

UGOVORNI ORGAN: KJKP „Pokop“ d.o.o. Sarajevo, Mula Mustafe Bašeskije 38, kojeg zastupa direktor, Goran Cerić (u daljem tekstu: Ugovorni organ)
ID broj: 4200119040004; porezni broj PDV: 200119040004;

DOBAVLJAČ: „IPSILO“ d.o.o. Sarajevo Kolodvorska 12, kojeg zastupa direktor Alma Sirko (u daljem tekstu: Dobavljač)
ID broj: 4202236260000, porezni broj PDV: 4202236260000.

UVODNE ODREDBE

Član 1.

Ovaj Ugovor se zaključuje na osnovu provedenog Direktnog postupka za javnu nabavku – usluga tehničkog pregleda i registracije vozila, prihvaćene ponude Dobavljača broj 0602-4249-4/18 od 19.12.2018. godine i Odluke o izboru najpovoljnijeg ponuđača broj 0602-4249-5/18 od 19.12.2018. godine.

PREDMET UGOVORA

Član 2.

Predmet ovog Ugovora je nabavka usluga tehničkog pregleda i registracije vozila prema prihvaćenoj ponudi sa specifikacijom usluga, koja čini sastavni dio ovog Ugovora.

UGOVORENA CIJENA

Član 3.

Ugovorena cijena za usluge iz člana 2.ovog Ugovora iznosi:

Cijena usluge koja su predmet ovog Ugovora bez PDV-a iznosi	2.292,80 KM
PDV na ponuđenu cijenu usluga iznosi	389,77 KM
Cijena usluge koja su predmet ovog Ugovora sa PDV-om iznosi	2.682,57 KM

PLAĆANJE

Član 4.

Ugovorni organ će plaćanje cijene iz člana 3. ovog Ugovora, izabranom Dobavljaču izvršiti u roku do 30 (trideset) dana nakon prijema uredno ispostavljene fakture za izvršenu uslugu, na transakcijski račun naznačen na fakturi. Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje. Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Dobavljač se obavezuje da će za potrebe Ugovornog organa vršiti usluge tehničkog pregleda i registracije vozila, sukcesivno prema potrebama Ugovornog organa, u roku od 1 (jednog) sata od momenta prijema motornog vozila.

UGOVORNA KAZNA

Član 6.

U slučaju kašnjenja u izvršenju usluga do kojeg je došlo krivicom odabranog Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti usluge koja je predmet nabavke.

Odabrani dobavljač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

OSNOVNE OBAVEZE DOBAVLJAČA

Član 7.

Pored obaveza predviđenih važećim propisima, Dobavljač je posebno dužan da usluge iz člana 2. ovog Ugovora izvrši stručno i kvalitetno, u svemu prema datoj Ponudi.

Usluge tehničkog pregleda motornih vozila obuhvata tehnički pregled motornog vozila u skladu sa važećim zakonskim propisima u BiH.

Usluga registracije motornih vozila obuhvata kompletiranje dokumentacije za motorno vozilo i odnošenje predmeta u MUP i uplata odgovarajućih dadžbina (npr. uplata naknade za registarske tablice, za puteve, za autosavez, vodoprivredu, porez za motorno vozilo, stikere, potvrdu o vlasništvu, saobraćajnu dozvolu i dr.) osim osiguranja vozila.

OSNOVNE OBAVEZE UGOVORNOG ORGANA

Član 8.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 9.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje, niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 10.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 11.

Ugovorne strane su saglasne da se na sve što nije regulisano ovim Ugovorom, primjenjuju važeće odredbe Zakona o obligacionim odnosima.

Član 12.

Ovaj Ugovor stupa na snagu danom obostranog potpisivanja Ugovora od strane ovlaštenih lica ugovornih strana.

Član 13.

Ovaj Ugovor je sačinjen u 6 /šest/ istovjetnih primjeraka, od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

UGOVORNI ORGAN

KJKP „POKOP“ d.o.o. Sarajevo



Direktor, Goran Cerić

DOBAVLJAČ

„IPSILON“ d.o.o. Sarajevo



Direktor, Alma Sirko

Broj, 0602-4249-6/18
Sarajevo, 28.12.2018. god.

Broj, _____/_____
Sarajevo, 28.12.2018 god.